

閻丘詩集卷十九

出胥口泛太湖

半年卧閻丘眼界苦迫迮飄然乘風行愛此萬頃白回
觀伍相祠紅牆森古柏羣峰浪低昂上下影千百中流
將安歸愁聽水拍拍一葉入斜陽飛光如裂帛換柁對
莫釐歷歷辨阡陌山店亂炊煙好整登山屐

東山留宿席氏山房

曲戶閒房秋氣清居山忘却在山行門前碧浪圍天塹
屋後青岑作土城不寐暗聞飛雨疾欲明陡覺嫩寒生
檐牙隔箔晨光漏桐葉陰陰鬪鳥聲

翠峰寺

山寺鐘初動秋林日下春僧藏黃葉樹烏沒翠微峰雨
色侵虛閣風聲集古松推牕對湖面一抹白雲封

雞距石

在龜山

日湧常疑唱濤翻力自支如昂復如竦韓孟對吟時

自鎮瀆橋入包山松徑

落帆淺港泊微日漏雲表緣溪歷溝塍山光上木杪螺
峰白石秀岳廟翠柏矯意適信足行不知路多少森森

飛松下

包山上松多非種植風吹松子自成謂之飛松見范石湖集

急雨雜亂篠翠色欲上衣

小徑濕更好晚鐘出巖扉時聽雄雉鳴石橋正流泉對
此豁懷抱

雨中宿包山寺

襍被來投雙桂堂檐前懸溜正浪浪果供新栗經風脆
菜摘園葵著雨香巡柝一聲山轉寂鳴泉幾陳夢俱涼
明朝策杖凌峰頂手撥癡雲望八荒

毛公壇

劉根煉火此升天白鹿羅浮道里千無主野花開藥白
空壇不見綠毛仙

登縹緲峰

天光低著人剛風吹不已此身非馮虛絕境那得此三
州浮濃黛徑寸連波起北指陽羨溪西窮卞山址苔雪
帶其南長洲近錯綺吳越入襟帶江湖納牕几目眩雜
花亂軟脚類敗蟻入廟埽破壁姓字援筆紀何須泰華

遊妙景眼前是願署太湖公林屋于焉止扶筇下上方
歸鳥落如矢最愛消夏灣綠波晚山紫

酌鹿飲泉

片石浸坳泓涓涓沁香髓敲火一酌之其味甘且美反
照射峭壁暮靄亂青紫客散四山空飢鷹浴寒水

近山多
鷹時浴

入林屋洞

林屋有三門同會暘谷穴金庭玉柱名洞天第九列靈
威首開闢石函禹書揭瑯琊巴陵道縮地隔門闌或誇
現龍盆或侈餐玉屑苟非足親歷疑信終未決我來訪
左神賈勇得兩姪短衣束雙髻芒屨手自結瀕洞凌陰

森偶倮觸岬巘低頭若俯拾落脚疑陷缺滑達蠖屈遲
宛委蛇行拙島門垂地肺凝聚太古雪紅燭照玉肪晶
熒添皎潔控控試一鳴石燕舞中節半空驚濤翻靈根
迸欲裂其旁多隙竅十步九磬折石門題隔凡欲進氣
已竭喘息倚石牀中止歎疲茶皮陸有高唱武功亦人
傑今來追芳躅齊楚附滕薛回身涉泥淖欲前如被掣
洞迴納蔚藍人天此焉別解衣浴清池見者笑癡絕

大小龍渚

祖龍從何來紺碧儵變相森然芒角垂巨口吞滉漾至
今遺兒孫羅列屹相望或如怒鼉蹲或如奔馬向或敞
若夏屋或邃若古壙嵌竇浪出入風雨助跌宕杖策沿

溪行縱目喜無量赤足蹋澗石澆灑鼓氣王盈盈一水
間萬峰與千嶂蒼翠雜紫赤光怪莫名狀看山在此山
得半猶未暢會當作水嬉小舟吾已放

自消夏灣放舟經明月灣至石公山

雲淡綠波淨人家水半環四時豈不宜獨名消夏灣田
家業種樹晝靜門常關兒童汲井花畏客覺厚顏悠然
太古意雞犬桃源閒撐篙入湖心遠岫晚景間楓林懸
落日參差搖紅殷堤影抱明月天水碧一彎娟娟沿崖
轉龍從多編爛風緊浪打頭船尾鳴潺潺舟人指石公
名勝宜躋攀襍被投禪榻推牕見三山隔溪亂漁燈夜
唱吳歌還

石公山雜詠十首

石公菴

兩水兼天碧三山入戶低推牕喚漁叟聲被白雲迷

歸雲洞

風緊訝披緜雨來驚潑墨陰晴旣無心如何解出入

石梁

靈根仙斧削灣灣便落脚不須假鼃鼃何用酬烏鵲

蟠龍洞

腥風生一竅怪氣聚百族好去探領珠癡龍睡方熟

夕光洞

橫開三萬六倒浸七十二只此徑寸光收拾小天地

雲梯

雲梯五千仞天然見階級何日隨猿猱高呼水皆立

聯雲幃

宋朱勳致花石岡取此石上舊勒帖文尚存

峻嶒倚蒼穹磔卓立積鐵摩挲舊帖文南渡增愁絕

風弄

一名劍樓俗呼一綫天

劍樓光一綫落葉此中鳴如何盛怒處常作管絃聲

石公石母

兩石如齊矚浪激輒相語却笑石新婦隻影空自許

明月坡

一名千人磯又名石板

玲瓏攢蜂窠犖确印虎迹吐納天水光并作一片白

夜飲王孝廉遵時明秀閣

仙居縹緲在丹梯把酒持螯客自迷峰影一堆青上下
湖光兩道白東西林沾山雨飄紅葉浪拍漁燈點碧溪
更喜主人敬愛客判教百罰醉如泥

題王山人小像

羨爾家鄰蓬島仙青山點點水濺濺畫師別有荆關筆
欲染丹青勝洞天

行暘塢口占三絕

楓葉搖山赤蘆花貼水黃塢深人不見一路枇杷香
小市門常閉青黃籬落間桑林聞笑語摘葉入前山
隔屋一聲雞人家只尺迷行來鴉舅樹一曲日平西

風阻石公山

一夜驚濤喧樹間滿湖風雨石公山沈沈氣裏聯雲幃
淼淼波吞消夏灣萬竅雷攻聲跌宕孤根雪湧勢回環
老僧解我煙霞癖穩借蒲團三日閑

吳民爲湯中丞潛菴先生建坊胥門題曰民不能忘余作歌美其事簡吳邑王明府孝先

睢州中丞一代儒福星照耀來三吳謳歌如新二十載
功德勒石臨通衢念公挺生在德里中原文物稱名區
夏峰負笈得窅奧淵源直欲追程朱玉堂篇翰乃餘事
乾清奏對相交孚 特命儒臣擁節鉞闔閭城內來分
符敦本務實正風俗諄諄訓誡皆良謨浮誇粉飾所不
尚游民姦暴爭逃逋水花無慘六月靜治平秋雨煙糶

糊頓令繁華游俠窟熙熙皞皞歌唐虞又聞吳俗喜事
鬼五通作祟憑妖巫肉山酒海變勝地金錢費擲驚癡
愚公曰此事甚荒誕穢迹豈可留斯須木者付火土投
水妖氛一掃山形癯更憐蘇松財賦重敷陳入奏蠲浮
租 聖心如傷動惻怛青宮被命朝門趨攀轅頓足集
老幼號咷慟哭聲呱呱白公堤畔多祠宇雕楹畫棟胡
爲乎列諸學宮輝俎豆文學政事開生徒棖題日久漸
漫漶恩澤猶自淪肌膚近逢賢宰此踵武門牆勵志思
規撫伐山採石樹坊表經營不日爭投輸清風粼粼動
碧浪胥江一朶天然圖我公精誠在天地感格初不遺
一夫我公功德被四海惠愛幸得專吾蘇我公文章傳

萬古同時亦許窮精粗凌轢坤乾擁山岳磨刮日月懸
衡壺小子生晚沐雅化敢以蠡見量江湖聊採公論詠
芳躅告萬萬古言非誣

補臂行

并序

順治壬寅冬山陰楊安城與同郡李兼汝祁奕喜
急朋友之難同流寧古塔將行徐象九寫出塞圖
以贈李居中楊在左祁在右擅笠綴鶯領戎服鞞
袴趺坐莎草中指顧相笑而楊則以右臂鈎李肩
乙巳冬祁亡歸爲吳門靈巖寺僧己酉春李亦亡
尋死杭州祁亦死常州馬鞍山而出塞圖獨存楊
所思各歸其後人屬妻范翦而分之則楊臂隨李

肩而去自是楊右臂作痛治之罔效范知其故翦
紙作臂續之痛立已令子可師與余友善嘗道其
事且屬余賦詩噫今世交道凌替流離患難多不
可問而三君圖像之間猶志氣相感則其平日之
交情爲金石爲膠漆殆不足喻也因作補臂行題
其像後庶聞其風者知少媿云

楊子示我出塞圖生氣躍躍光耀隅先生戎服草間坐
并刀翦出新肌膚此畫傳來四十年君家尊在蓬萊區
同閑訂交祁與李宵盤晝憩同娛娛語言文字伏禍胎
狂飈煽燄連妻孥黃塵一點起絕漠孤鴈叫月天疑無
三人被譴向寧古患難翻喜良朋俱當時徐生真好手

經營慘澹筆意殊楊左祁右李居中拍肩挹袖仍扶持
指圖相笑互相慰秋霜滿鏡爭招呼無何祁李共亡命
收拾魂魄還吳都先生揮淚念故友曰以遺像投諸孤
山骨嶙峋碎寒玉胚胎乍破翻洪鑪三分形影南北去
那知一臂聯吾軀從此終年苦屈申陰寒夜雨時攣拘
藥石鍼砭竟罔效賴有阿母知其夫聊施女媧補天手
湊理完好骨骼蘇乃知古人重結交金石膠漆言非誣
屋梁落月尚相照始終蛩駘無嫌愚張陳蕭朱中路棄
此道如土堪長吁況今遊戲在尺幅光怪早已驚荒陬
為語楊子寶此畫永為交道垂良模

題徐進士學人同年雲溪草堂圖次竹垞先生

韻四首

每想君家醉幾場閑愁一抹白雲鄉新來染就王維畫
攜得清光到草堂

舉網鷗飛露釣磯鷺兒浴水浪花希荷池初綠田田葉
只待秋深便翦衣

京洛曾同出岫雲縱橫聯句到宵分分明河畔毵毵柳
滿眼秋山又對君

八尺生綃勝景偏畫圖重見米家船小園能縮壺中地
午盃春槽傍玉川

題曹孝廉希文同年偶客圖二首

此身何地是吾家拄杖彭觥箸笠斜但使朝朝開口笑

青銅一百是生涯

紅塵幾番鑷髭鬚貌得閑身入五湖須信光陰皆是客
莫將廉讓認歸途

題北渚圖二首

秋山瘦削不須多鶴愛秋風舞綠莎怪底詩人吟詠處
西陂也作洞庭波

蘇氏一門俱擅美杜家三世總工詞緯蕭已得縣津派
餘韻應傳北渚詩

題介于畫墨牡丹

絕豔亭亭占一時誰憐春盡獨開遲天香不與凡花比
淡墨蕭疎出半枝

十月八日盱眙李蒼存攜尊大小雅堂雅集賦

得妙嚴臺

我家妙嚴臺向屬禪興寺蕭梁有貴主香骨埋此地緬
維孫刺史甲第擁珠翠瑤筵對景開珍羞自天賜鳳去
玉樓空桂熏從風墜史家竟失載野乘疑真偽石馬眠
荒濱蘇碑倒壞厠惟餘隔林鍾清響苔幽闕回思卅年
前總角來嬉戲

癸丑歲余自史家巷移居乘鯉坊時方九齡

結髮知讀書堦簾奏昆

季

甲子歲始與迂客家兄學詩

斲雲開龍從採月動洶淾名流盡東南車

馬不遐棄

是時桐城錢飲光黃岡杜于皇廣陵吳園次寧都曾青藜同郡韓君望揚明遠諸耆宿每過從依園作詩酒之會

紅豆夜

徵伶綠陰晝揚解詩成呼濁醪日日澆土醉十年歷幽
燕形容頓顛顛心事數篇詩小園伴幽致款門到李君

才情最橫恣阮生真酒徒米老同好事開尊集良朋不
惜萬錢費更酌共登臺懷古空徒倚老樹嵌犖确危根
牽薜荔目送塚中人口出天外思楓林憶舞裙草根想
墮珥應有月下魂環珮夜深至

賦得楓葉二絕

分明隔水見殘霞烏舅叢深落亂雅昨夜西風霜滿樹
枝枝紅葉是紅花

鷺峰漫說千章紫吾谷休誇萬木殷一葉小舟湖面看
最難忘是石公山

題蒼存寒江釣雪圖

飛絮成團落亂雅尖風凍入骨查牙不思遠去投芳餌

寂莫江天伴雪花

題石谷子畫狄庶常立人歸舟載花圖四首

名花才子品相當不數朱櫻與綠楊滿載占將春色去
分明少伯五湖航

別有昌州香國天

昌州海
棠獨香

平生四恨亦徒然齊奴若肯輸

金屋好竊熏爐到紫縣

石季倫見海棠歎曰汝
若能香當以金屋貯汝

故園百卉定含愁俗李粗桃各自羞莫更順風江北去
讓他芍藥在揚州

放翁詩若使海棠根可
移揚州芍藥應羞死

雨中月下見猶憐貼梗垂絲著意妍蝴蝶不知花睡去
雙雙引夢畫圖邊

和狄庶常五舫詩

小舫新裝了歸來足扣舷娟娟黃柳外嫋嫋白蘋邊薄

酒延朝爽清歌送莫天吳儂渾不辨混作野人船風月家鄉

海棠新貌出佳麗一船兼惜影頻燒燭無香漫卷簾玉

蔥調茗盃紅袖檢詩籤睡足和花笑宵來有夢添海棠船

喚起半湖浪揚帆潏水窮鷗邊白森森草岸碧叢叢亦

可秋風裏何妨細雨中前邨低略約小住看飛鴻春帆

炎天更好事隨處便維舟初日銜花上輕雲入樹流碧

筒清露吸玉笛晚風愁釣得鱸魚美歸來與婦謀泛爽

向夜復何之小舟惟月宜規模因舊式風景寵新詩亂

水花飛急深山鳥下遲月隨名字好直欲傲天隨小月隨

為人題小照

石上秋光最可人花團白露未全勻看山不了還看鞠
忙斂陶公漉酒中

題擁姬圖二首

名花黃紫鬪看青絕似張家簾內聽爭唱牡丹詞未畢
招呼更上駕霄亭宋張鑑家有駕霄亭

蘸墨題詩對可人掀髯一笑座皆春絳紗帳裏鋪茵褥
厠上終輸石季倫

題葉藩久小照

菱葉蘆花照水白浪沒鳧翁潮拍拍獨坐寒磯風雨來
好個人間釣鰲客

題宋經一授研圖二首

何用傳經萬卷開一方手澤絕塵埃牙籤插架書連屋
紫石潭中漁得來
西陂好語借餘波出水穿雲不是過絕似蘇家龍尾樣
故應付與小東坡

題朱漢槎雙柑斗酒聽鶯小照

綠陰斷處黛千鬟鳥語關關在樹間此地朝昏來醉倒
便應喚作戴公山

題鄒廣文遂安保城圖二首

一片孤忠勢若焚誓師叱咤動成雲遂安萬口如絲命
不仗元戎仗廣文

六星亭下月娟娟曾照當年戰血鮮若使平吳功例定

黃金須鑄一青氈

題柴陞升擁書萬卷圖二首

縹緗連屋日親開含笑雙娥階下催最是一生難得事
好書未盡美人來

萬軸牙籤滿架風琅琅清響徹晴空手中豈是高唐賦
神女都教下楚宮

學人三十生日兼有謁選之信賦詩寄之

閒居奉母羨潘安三十名成屬目看何必期頤方酌酒
只須章服便彈冠歌拈紅豆翻新調酒試烏程集舊歡
顧我蹉跎逢歲暮霜花壓戶隔江灘

題吳省吾小像二首

木言軒詩集卷中
三
娟娟翠篠亂蒼苔三尺芭蕉葉半開草木蕭疎風日美
秋光迸入畫中來
數載涪湛首荷盤楸枰方罨石牀寒何須當局誇強弱
袖手傍觀著著難

陳貞女詩

蘆區有貞女天性實孤獨蔡家初喪偶有子賴鞠育聞
女性幽閑繼室鸞膠續二十未結褵良人嗟不祿含悽
向空房有淚不敢哭矢志無二天死矣偏獨宿父母頗
愛憐強之始噉粥謂言汝未嫁猶是閨中淑夫面未曾
親恩愛何由篤少年盛羽儀富家積金玉良姻訂三生
惟女意所屬大禮本無虧令名亦不辱女聞頭搶地至

死不可復吞金刀剜腸斷指血裹肉鄰里驚相勸父母
涕藪藪送之往蔡家縞素謝膏沐晨昏具甘旨奉姑問
所欲撫孤如親生擘鱸供夜讀兒身日已長女髮日已
禿冰操古所難可惜在鄉曲氏未登褒章事未采史局
徒令桑濮傳聞之盡頸縮吾文不足傳女節實可錄聊
成五字吟持以勵末俗

冬日過膠城行見人家破屋下有婁子柔書秀
野園三大字匾額筆力遒勁喜其與余草堂名
相符也購之以歸用顏小圃漫成二律索同人
和之

到處常於秀野宜練川三字見風姿地留名筆添佳話

天爲閒人助好詩，倔強全行抉石勢。淨圓想見劃沙時，呼童拂拭攜將去。好向閭丘費酒卮。

當時鄭籛隸兼科

余居秀野草堂四，字爲鄭谷口所書。

試比婁堅定，若何花竹

媿難齊。獨樂白蘇喜得共，東坡買書何怪黃金散。對客徒憐白髮多，一十七年詩酒債。好傳軼事倩搜羅。

題侯大年鳳阿山房詩四絕

白稻花香木放棉，黃蘆葉颭水黏天。爲探百里幽人宅，一櫂秋風泊練川。

劫盜圖灰舊畫樓，一方紅月挂新愁。鳳阿早築閒田地，

靜夜還教寶氣收。

練川向傳紅月樓，內藏道子劫盜圖。

斜紋布暎蟲催織，碧玉梢黃燕語林。只此先生供喫著，

練音纔罷又吳音。

吾黨詩翁侯叔迨，四先生後更誰誇。莫學檀園空作序，

茶山風雨負梅花。

戲題大年六一圖

五物又添花劍，不是醉翁六一更著此。老何鄉只合溫柔送日。

十二月十四日，商丘公招同朱竹垞、蔡息、關邵子、湘、張超、然、馮文子、張日容、吳荆山、胡元方、徐學人、汪西亭、陸交、徐七來，令嗣穉佳蘭揮令孫經一、西邗集小滄浪觀桃花扇傳奇，謹次原韻六截句。

桃花佳話訂三生雪苑侯生趁美名跌宕新聲傳樂府
緣知才子最多情

詞翻燕子鬪歡場老阮餘威態更猖剩水殘山留一角
又將歌舞上披香

畫閣笙簫調玉茗旗亭談笑說齊諧一時復社皆名士
著个閑人亦復佳

眼識陳吳品格孤送君桃葉暗嗟吁李姬還有琵琶調
試問侯生記也無

四鎮驕奢費斡旋寧南髀肉老刀邊西風獵獵滄浪碧
劫火銷沈六十年

絳紗銀蠟迷深院白髮青衫滿後堂不是中丞新戲曲

人間何日見霓裳

題張庶常弘蘧雪霽南轅圖奉送之官興國四
首

十六年來侍玉堂無端却置石山傍人間此日看天象
列宿光中不辨張

莫歎身如魚上竿宦塗逆處轉心安牛蹠滑達冰三尺
好借征人入画看

天向詩人迹欲奇磨瀧擁雪總相宜潮州儋耳無緣到
那得韓蘇警絕詩

章貢文風專待開碧溪青嶂趁多才郵筒輒問詩多少
要見詞官本色來

贈張敏求四首

生面初開變一時瘦肥圓勁總相宜于今聲價都無兩
爭說新鈔御製詩

慧慶寺邊聽粥鼓小滄浪畔看荷風往來海內文章伯
醜舫西陂只兩翁

注解蟲魚補鄭箋亭名野史錄殘編青燈一點書千弓
伴我閻丘二十年

宋板休誇八法妍臨模小楷六書全筍輿篋舫來吳下
盡識張生住白蓮

閻丘詩集卷十九

閻丘詩集卷二十

甲申上元點燈會客紀事四首

山梅破萼雪融塵好趁今年樂事新玉管夜催深院月
紅燈高照小園春四時佳節先元夕百歲歡場屬散人
眼底風光吾事足未妨吟嘯五湖濱

分明異彩落深青百戲陳時影滿汀埕現火雲撐杳靄
龍噴雪浪劈滄溟芙蓉芍藥迷朱檻鳳尾鰕鬚拂畫屏
最愛一株臨水挂葡萄千个亂春星

梨園父老白盈顙舞態歌聲繞畫臺聽去只宜天上有
看時定是月中來妖嬈勸酒皆許董傀儡當場盡賀雷
轉怪酒闌惆悵入一生難得兩三迴

宛轉平橋攜手偕東鄰西舍盛吳娃草根響墮金絲髻
牆角泥融紅繡鞵蠟炬千枝同白晝春風一角想秦淮
新聞明日傳京洛健羨吳儂興致佳

二十八日雪中同日容洪九入山探梅舟過橫塘口占一絕

天水遠空蒙凍雲閣前渡推篷問橫山失却青半朶

次日同錢唐馮文子汪無已武陵胡元方寶應喬無功山陽丘邇求江都郭于宮同里張日容宋嘉升孫洪九夜飲西崦山莊各賦五言近體即以其字爲韻

畫舫尋梅急遊人似亂雲雪中過兩日枝上去三分細

雨思前歲微風和此君眼邊愁易別莫惜酒杯醺

晦日雨中乘輿至吾家山過菖蒲潭上石樓登萬峰臺憩六浮閣小飲得絕句七首

樹樹驚風花滿階籃輿催客辦青鞵興來莫問花多少
細雨山行亦自佳

雪海漫漫萬頃光半邨微白半邨黃不窮千里登高目

那識空山別有香

時文子無已至吾家山半而止故云

菖蒲潭水浸如杯繞屋花鬚噤不開數畝只堪鉏月色
遊人却爲老僧來

丘遲郭璞句縱橫

謂邇求于宮

萬壑松濤筆下生誦到髯君五

字句愛他春雨滴無聲

時諸公競題艸山小照無功詩云春雨無聲落春山引杖來門前萬梅樹僧更瘦于梅一時歎絕

木言車言集卷一
二
潭東一帶白皚皚籬落湖灘處處栽今日新詩來點染
萬峰臺是萬花臺

六浮閣上倒芳尊凍蝶翻翻楚客魂一曲清歌花亂落
梅邊招得李檀園

雪墮長松春欲融半晴半雨任天公高低掩映千梢白
襯得春衫分外紅

題赭山上人觀瀾圖

百籟羣鳴山欲聳道人倚杖正凌空長松萬樹濤千斛
此際平分一半風

同日容洪九步遊五雲洞次日容韻

扶筇轉山塢再試五雲泉危石聲鏗爾閑雲意淡然花

光明薄暮鳥語樂新年準傍三間屋茶經補宿緣

喜晴再遊菖蒲潭

小屋攀梅入門前立老僧雪消枝半折日上氣如蒸只

少樓三面高看花萬層

絕山方謀築小閣

昨朝風雨過只算去年

曾

晚過石壁遇雨

梅香催步屨石壁勢千尋湖近雲長白松高日易陰隔
牆漁艇亂遙嶺晚鐘沈細雨前邨入花梢更不禁

雨宿石樓二首

最愛此中靜歡然如到家萬竿搖瑣碎雙幹舞槎枒衣
濕從分火神疲想喫茶小軒初結構夢裏是梅花

時綠夢軒初成

日日風兼雪傷春多怨思今來竹裏卧翻覺雨聲宜酒
醒木魚熟天明林鳥知晴光何日好櫻筍定來期

贈無功二首

行樂新年續上元過江艇子到柴門雨中燈火人千里
雪後園林酒一尊上下崦邊花作障東西潭口樹為邨
領珠獨被劉郎得屋挂寒香記瘦痕

箋擘新題續續加梅花芳信到梨花已輸著作誇三絕
敢效方城號八叉吳地山深肥筍蕨淮鄉水暝滿魚鰕
合併但得常酬唱江北江南總是家

題無功兼葭書屋圖二首

年年搖落怨秋風甕社湖光指點中白露滿園花似雪

主人長在水晶宮

連天碧水澹如無獨立沙邊數浴鳧不是鴻臚誰貌得
白蘆花映黑髭鬚

花朝松陵諸子攜樽秀野園雅集即事得八絕

啁雀爭枝凍乍開草牙欲動暖風回呼童早起鉏三徑
好待連翩上客來

鴻筆才名震一時

乙亥秋余與山掄武曹諸君有鴻筆
之會八郡集草堂者一百八十餘人

升沈生死十

年期月泉吟社成佳話和徧田園雜興詩

慎交標榜有同聲比應嚴幾敢曰能

明末有應社嚴社幾社
國朝有同聲社慎交社復

社姓名留蠹簡至今牛耳說松陵

吳江吳扶九先生倡復社其姓
名冊子存後人所余猶及見之

紅舷烏榜憶秦淮豔曲名姬處處佳那得揮金孫孟樸

孤身結客蹋天涯

孟樸嘗捐家貲五百金裹糧
徧歷四方會知名士于秦淮

傳奇兩地鬪清新將曉寒風拂座勻試問花梢開也未

尊前正唱上林春

是夜演上
林春傳奇

大字婁堅露細筋草堂只合喚詩邨敝廬寂寞無多地
敢倩新題賦小園

韓

君犀

望俞宿草幾經霜剩有文

與金陶

病與亡一十七

年親故盡座中誰是魯靈光

繡虎雕龍總地靈森森霜鏢發于劍他年酬唱追陳迹
圖畫應添佳日亭

答臨川傅生用元韻八首

大雅日陵夷腥腐積腸胃螂且與鴟鴞何由識正味苟

欲窮淵源要須辨涇渭念子涉江來矻矻豈無謂

臨川鍾秀靈此邦盛文彥湛深尚經術穎脫見生面寢
食恒于斯堅金在錘鍊前賢樹芳規可象不可見

平生與匠門蛩駟何足云諸公騰踏去落落我與君潮
生清溪水花飛妙巖墳客至便觴咏世事寂不聞

我愛慧慶寺載酒日問字玉蘭連天花風日更清美東
南海為宗吐納百川水子合從之游一櫂吾往矣

亡友俞旅農強記廣見聞迂齋金老子談笑吐清芬梅
灣深宿草霜林閣孤雲耆舊已零落請君誦遺文

涉世尚多智著書甘守愚縹緲既克棟流派人人殊規
撫取神似勿但求皮膚少壯務努力莫歎歲月徂

光怪極韓蘇冲澹獨韋柳求之格律間變化無不有各
以所得入研窮出窠臼敢笑同學翁千金享敝帚
詩家多風調緣情而綺靡偽體須別裁勿失風雅旨俗
學江河流滔滔何所止慎勿悞岐途願言共終始

登吳山尋紫陽菴二絕

絕愛吳山半點青昔年于此誦黃庭飛來不是遼東鶴
何故仙人亦姓丁

隨風落脚紫陽洞瑪瑙夫容列小牕莫怪照磨題句好

石上鐫陸天錫詩獨存

半杯湖水一灣江

月夜飲冷泉亭

最難逢月色兼得看山人三月今宵好百年此會新泉

光浮白練樹影散青蘋應勝京華客殘春醉軟塵

題白描仕女扇

舞衫空疊鏡臺寒手弄連環懷古歡傾國莫教脂粉汗
好將真色與人看

題雙美人扇二絕

梧桐月照班姬扇末利風繙玉女書桃葉桃根花竝蒂
愛他豔豔暮春初

一分增減便難全如笑如嗔兩鬪妍金屋雙飛還一處
縱然妒斂也相憐

十四日汪無已招飲齋中同吳寶厓邵克大家
搢玉即席用白香山履道春居韻

梅邊別我去月夜向君尋芳草熏遊屐春風蕩客心筍
添牙頰美燭引酒杯深嗙罷聆餘韻如彈綠綺琴

夜泛西湖

水邊宜晚看趁雨入湖心煙塢時明滅雲峰乍淺深船
移堤火亂歌濕洞簫沈寂莫孤山路何人解冷吟

雨中遊雲棲

初識雲棲勝蓮池舊道場幽篁聽澗入古屋借山藏樹
濕禽聲滑泥深虎迹長廿年常結想此日禮空王

經孤山口占

輝煌金碧動沙虛猿鳥驚迴失故廬一世梅花甘冷淡
當年悔不別移居

和靖詩山水未深猿鳥
少此生猶擬別移居

再過無已齋中即席索題讀書秋樹根圖

家月
田画

獨坐閑庭如水桐陰竹影分明開卷忽然有得嗙成一
片秋聲

題坐看雲起圖次王舍人赤杼韻

白雲何處生相對豈云偶一綫入喬松重重冪溪口瀾
漫失青山渾不辨澤藪下方乍明滅隱隱聽雞狗只此
獨往意萬象付烏有我亦無心人看圖空袖手

題雨後鳴泉圖

天為山人特餉晴琮琤水樂正和鳴百重澗積千絲雨
迸落寒砵半日聲

題寶厓小照二首

對映寒枝瘦影橫細腰一束兩眉青殷勤翠羽忙啁哳
恐到羅浮喚不醒

玉筍纖纖豔墨光口脂初潤鼠鬚香梅花瓣瓣催詩思
好試平生鐵石腸

吳赤鳧招飲青蘿書屋同張超然洪昉思王赤
抒吳寶厓項霜田汪無已家搢玉諸君即席分
韻得十二文

天開卯色變晴雲穀雨花香別院聞小閣青枝留宿潤
疎簾芳草映斜曛品評古畫橫鋪几點檢殘書亂落芸
卷色一分容易過好憑尊酒伴殷勤

題周層巖消夏圖二首

琉璃扇子芡央研金翠重行照水汀顧後瞻前俱似玉
此中正是費調停
池影紅酣日欲沈晚妝初罷伴微吟倚闌爭比荷花色
水面相看若箇深

贈地理何蕃之

傑士從來隱市廛祕書讀遍得真傳通神有道多奇術
郭璞前知是地仙寶氣千年驚虎踞佳城一角卜牛眠
憑君看盡山川美獨占蘇杭兩洞天

雨牕即事恭呈徐州座主次元韻三首

才敵騎鯨舉世驚清時人物在彭城輪囷氣自愁邊壯
峭拔詩從塞外成東觀即看宣侍直黃樓豈許老歸耕

舉觴莫問更長短檐雨浪浪戰酒兵

鴨頭水漲馬蹄泔池上風光好一尋魚躍浪花衝碧葉

鵲乾霽色帶濃陰每驚朝政新聞換常憫農家淫雨侵

差喜晝長無个事圍碁纔罷便聯吟

自笑榴花開後時三間老屋足栖遲相將內苑迷三島

獨侍師門灌百卮籛筍呼僧足妙語梧桐引鳳奏清詩

繽紛才思雲煙落半為牢騷半別離

草堂觀劇次李蘭岑韻

樹近闌干影欲移當筵調笑事多奇三杯暫得消腸結

一曲還愁老鬢絲竹葉綠侵今夕酒榴花紅落最高枝

濕雲不放清音散豔豔銀燈舞袖垂

贈沈明遠同年

蛤吹池塘訝鼓催林煙冪冪濕亭臺閑心偏為圍碁鬧

健骨何妨小病來牀近綠蕉添夜雨簾垂紅蠟倒春醅

沈郎莫遣腰圍減相見還須笑口開

題子先上人萬里尋兄詩二首

廿年跌坐佛燈明枯草池塘夢不成敢惜出家兼出塞

每因思母倍思兄塵喧寒月迷鴻度夜靜悲笳和馬鳴

追訴慈幃忍死語數行清淚落無聲

聰琴殊蜜似君難至性終教骨肉完絕域城高天一笠

荒山人醉日三竿詩情宛轉題紈扇墨汁淋漓濺燭盤

差喜荆花重爛熳可憐萬里影形寒

日容孝廉攜尊草堂同徐州座主張編修書登
韓庶常祖昭張進士天農沈孝廉明遠李上舍
蘭岑上人子先分韻得魚字

壁上蝸牛水長魚騎衝泥濘到幽居江南可惜多風景
一片濃雲鎖敞廬

夜雨復同明遠天農子先即席限韻

綠陰經雨潤隔屋轉倉庚不辨園林色惟聞檐溜聲酒
逢強伴怯話對野僧清只怕晨光透紅橋與水平

潘編修雲岫先生命題小照仿東坡懿蹟圖第
一幅二首

一官嶺外路間關掌上明珠欲舍難最是杜陵憐驥子

何年始解憶長安

秀質岐嶷便不同笑揮如意別息息他時遙想呱呱泣
多在蠻雲蚤雨中

哭南雲先生文與也

茫茫泉路信難通軼事遺聞委腹中老去詩篇無俗韻
閒來書畫得家風幾多百歲親知少纔到中年耆舊空
竺塢山深人不見相依地下是迂翁

謂亦陶

四十生日自述三首

性癖平生最好奇風塵閱盡幾千支弱齡陳豆嗟無父
中歲傳經幸有兒愛客常儲千日酒讀書曾破萬金貲
紛紛四十今年過自撫頭顱歎若斯

弱冠吟哦遂壯遊黃河閘口泰山頭傷心漢將尋淮市
縱目秦碑上兗州每藉樽壘傳韻事時調絲竹集名流
一弓秀野喧南北號我書淫贈醉侯

三徧長安犯曉星閉門只合卧風櫺園開涑水尊賢里
書積遺山野史亭荷葉千珠綠檻綠竹梢一塢隔牆青
半生心事蹉跎慣付與沙頭雙玉鉗

寓慧慶寺苦熱用梅宛陵韻

祁寒可以禦酷暑無能逃渾如坐深甑繞屋焚蘭膏憫
農禁屠沽好生及羽毛天乎竟不聞家家汗沾袍舉頭
見赤日雲峰隱秋毫惟聽桔槔響屋角呼其曹揮扇驅
豹脚廢書癢處搔中宵望天末安得秋風高

題湯閻裁自寫小照二首

漫道傳神阿堵中丹青塗抹便非工世人只解求形影
自有閒情若箇同

文與金陶亦也高士吐清詞流水高山繫我思妒斂松間時
抱膝長吟幾首故人詩

初冬陪陳江寧滄洲使君集日容橋下小軒同
汪陞交郭于宮汪迎年徐端揆家嗣宗以破甘
霜落爪嘗稻雪翻匙分韻得稻字

霜氣肅晴昊萬木顏色好黃葉飛過橋水平寒色早使
君冰壺清晤對豁懷抱矯矯青松姿歲寒共相保泥香
摘菜甲飯白炊新稻百卮安足辭頽然玉山倒隔寺鐘

一鳴半竿日杲杲

又賦得黃葉

鴨脚續翻亂酒卮西風吹入鴈行遲扁舟野水世南畫
山雨溪雲用晦詩一樹獨明斜照裏數聲相應晚鐘時
橋邊落葉紛紛積主客吟哦兩不知

題于宮雙邨載鶴圖二首

赤岸湖空一葉頽打頭風起雪翎開何年朱頂乘軒去
待我腰纏十萬來

牛鳴邨口好逍遙警露聲清酒易消不比支公與逋老
只看雨霽便冲霄

十一月十六夜同日容洪九泊舟斟酌橋下適

李明府曉岳同郭于宮葉子山至出酒饌狂飲
醉中乘月遊虎丘嘯咏而歸率成一律

鴨觜船開李郭迎一峰如畫倚寒晴壚邊對酒兼歌哭

月下懷人半死生

壬申酒社始識曉岳距今十二年而宗伯公旅
農南屏俱逝孝儀家兄迂客又遠在都下故云 輶飲

方庭山鬼辟朗吟暗壁寺僧驚黃樓采石風流後只有
今宵星斗明

和日容韻

平生氣槩挾秋霜醉墨淋漓定不妨未就詠懷五百字
尚須臨帖十三行非無絲竹徒增怨縱得歡娛亦自傷
賴有小橋山色好清光相照舊疎狂

和洪九韻

四十蹉跎不問天最難忘是綠樽邊達人玩世常占夢
壯士無聊始學仙中酒客眠吹短笛賣花聲起散寒煙
女墳湖水粼粼動打鼓誰家正發船

十七夜游惠山元方攜酒山莊踏月過秦園歸
宿舟中即事索日容洪九和之

長夜端宜秉燭吟名泉更倚好園林黃雞綠酒愁邊客
白水青山世外心滿地松杉人影亂漫天煙霧月華沉
枯腸還遇玉川子七椀清甘滌素襟

曉岳爲余
汲泉煮茗

次日容夜游惠山韻二首

山牕鳴風泉可愛此良夜月出人不知清光浸階下閉
門聲寂寥靜裏轉多惜公子無兼味濁酒牆頭借半酣

蹋葉行經過黃楊華青蘋雜流水迷離失真假皓魄正
當樓入手不滿把

好友既足歡名園猶可戀霜華散銀海野田集如霰躡
雲脚力輕照水目花眩輕甌嚼夜泉舌本須慢嚙未注
品茶經先讀盧仝傳嶽崎慢亭峰何如此平行

期于宮同訪雲溪草堂用孟襄陽贈白雲先生
韻

迢迢荆溪水遠自大江出霜林何蕭條枯葦尚蒙密同
舟二三子放歌自超逸緬懷白雲溪會合定今日相思
苦道長執手語不一起招郭林宗前程勿相失

哭大宗伯韓慕廬先生十首

東南天柱折雲峰慘澹儒林失所宗
司馬盛名爭巷哭 曲江風度歎塵封
嘉謨紀載煩良史軼事流傳到野農
盡說韓門多弟子何人健筆敢橫縱

顛顛枯枝霜雪侵春風吹占百花林
姓名一日信知己 帖括中年遇賞音
誦讀兒童不去口 典型蠻貊亦傾心
起衰本是君家事先後論功峙古今

倚傍全憑結 主知不教左右起猜疑
深衷有托常逃 酒多難能全不負師
無黨敢登元祐籍思歸每賦去來詞
三升良醞羣相誚罕見先生獨醒時

寒碧齋清草不刪酒人三兩日開顏
琴書樂志裴公墅 絲竹陶情謝傅山
爛醉置身榮辱外高眠閱世是非間
生平莫恨休官晚先占林泉十載閒

倏忽丹書下九天秩宗超擢日三遷
祕書手詔顏師古 博物廷推張茂先
點竄典謨疇若字推敲雅頌穆如篇
一時人物陶甄盡齒頰平分造化權

南內頻宣侍玉宸入班 天笑一為新響
催漏箭文如 瀉影動花甄筆有神
妙義傳觀留 御案新篇鈔寫付
詞臣只今遺橐凌雲氣冷落書籤滿玉塵

自古君臣際會難玉山當日獨憑闌
官高那許抽身早 理遣誰能非意干
士論歸時偏得諂 主恩深處轉難
安天王明聖如魚水不敢招魂歌畹蘭

垂問遺孤厚宥竈親緇遺草慘 天顏家聲過邁書能

讀文筆班揚手自刪

先生自定有懷堂集

鴻業特褒揮玉篆初心得

遂葬青山明良一德全終始更勝生前解組還

長安翦燭款留連話到升沈淚泫然倔强自持容籍湜

風流相對儼神仙潛鱗空負吹噓力散木翻因蠹腐全

最是客吟勞繫念妙嚴亭子孝廉船

去秋汪吉士武曹南歸先生贈行詩有妙嚴亭子孝廉船

之句

掩袂搖鈴繞旒呼不關蹤跡託葭葦風鳴婁水啼殘客

星散黃墟剩酒徒雲漢頓消中夜色鳳麟空想太平圖

山丘華屋傷心痛哭到西州淚已枯

寄懷新城先生二首時罷官歸濟南

泰嶽鍾靈應運興崑源湔濯碧逾澄東家門第傳司寇

杜曲詩篇接少陵邈邈聊同隱霧豹營營一任遇秋蠅

夫子亭子臨蠶尾撰杖逍遙踏上層

江南江北水迢迢危棧重經遊興饒古驛新題留劔閣

平山殘夢落虹橋瓣香誰測鯨魚海賸馥徒窺翡翠苔


留得漁洋一點在臨風輒引碧雲遙

梧語軒詩集卷下

問丘詩集卷二十一

書館閱吟

起乙酉四月
盡巳丑三月



康熙乙酉春

上南巡江浙嗣立以商丘中丞疏薦

召試秋八月應

詔北發十月抵

闕奉

敕開

館選錄四朝詩潛鱗弱羽候荷吹噓玉檢瑤函親承
緡枝不翅海客之乘查浮天也遂名其詩為秋查集

恭讀

御製幸雲棲詩敬賦七言律詩一首

幽寺花香引 翠輶洗心亭上好逍遙輝分天竺三春

日氣湧錢唐八月潮竹韻敲風添 蒸思泉穀激石助

簫韶小臣何幸瞻 神筆爛熳光華仰 帝堯

叙德書情上宋中丞西陂四章

闔閭門對紫微垣午夜奎光燭 帝闈此日陳詩十五

子當年獻賦數千言口傳 丹詔來 行在手裏黃綾

進 至尊爭誦孔融薦士表褐衣名見荷 君恩四月十日

上駐蹕蘇州行宮公以十五子詩選進呈特疏薦舉張大受宮鴻曆吳士玉郭元鈞及嗣立五人

金門待詔五人同亭午傳呼試泮宮學士捧題光寵渥

相臣閱弓志虛公十四日奉旨齊赴郡學校藝命學院學士揆公監試同京江澤州兩相國詳定等第墨飛山

寺瞻克日韻落江潮頌禹功操筆正如蠶食葉不將工

拙計雕蟲

雁行魚貫步遲遲岳牧分班導引時十七日辰刻公與制府阿公率汪泰來等五十人於行宮

門外習儀詞賦特開唐制度草茅初學漢官儀 天顏有喜承

新綉未刻學院學士引見行宮上顧問臣嗣立姓名注視久之御筆聯頌得舊詩上賜臣嗣立御書

二為龍潭聞秋聲詩一為孝經石刻換骨盡教拔宅去白雲雞犬影離離一作海山西望

白雲垂酉刻傳旨御試五十人俱赴內廷供職

清德堂前酒共斟十年門下和清吟耳垂敢望收天廐

翮鍛何因集上林舉袂潛揮知己淚臨觴難愜報恩心

最憐一角滄浪水遙隔宮墻聽夜砧

張三日容招集讀書亭送劉二介于之海昌次日

容韻

欲別休辭酒滿杯清溪况對小庭梅歡娛似夢尋難得

日月隨波逝不迴池柳半眠經雨重盆花微笑帶霜開

語兒溪水催行急愁對伊人詠溯洄

疊前韻簡日容

年來軟飽只三杯孤負查山樹
榭梅天與良辰宜共惜
座逢好友底須迴堦頭亂草
芟都盡墻角癡雲撥未開
鍾鼎山林皆事業同舟從此好
浴泗

送宋五嘉升謁選入都四首

此行郎署擅才華詞賦休將唐
景詩紅杏子橋分別處
半篙流水葑門斜

坦率誰如宋五才相公如意獲
饒培兩行姓字成連壁

九辯從今入玉臺

上駐蹕吳中時京江澤州兩相國曾以君名同徐進士永宣入薦

綠陰滿徑酒盈樽雁影參差落
禁垣睡鴨落花新句好

遲君兄弟續西崑

令兄嘉禹先期入都應試故云

蹭蹬泥塗鱗羽乾温風吹谷辟
嚴寒登高擬趁茱萸會

寄語西山待我看

送宋經一歸河南應試二絕

詩學斜川得似無十年辛苦在
遺孤金針偷得綿津秘
試看生綃授硯圖

一株煙柳蓋滄浪五月江南梅
雨涼計筭郎君歸去日
西陂風起蕩花香

八月十八日應

詔入 都留別家人三首

往歲隨計吏十月始出門承 詔
赴 內廷常期非所

論資斧頌 國課再拜吾 君恩
勿悲別妻子差喜近

弟舅况聞嚴徐輩纂修在禁垣顧無班馬才何以對
至尊

茫茫總無成四十已過一小兒口如蜜大兒髮如漆愚
魯任自然願為之有室時初為大兒受室藏書百馬餘遺女當萬

鎰更有元遺詩劖劖志未畢神物百靈護須防風雨失
五畝秀野園我親插花柳冉冉十七年梧桐根半剖酒
客日零落遺詩滿牕牖秋光如惜別離離映岡早雞冠
秀未齊米囊種莫後春時報京華南望開笑口

九月八日過臺兒莊口占二絕

日瞰河流蒼茫間黃茆白葦倦開顏明朝欲趁重陽節
放出船頭一角山

猶帶江南景物來市穀風送殷如雷船船膈膊黃雞鬪
盡是金錢換得回此地雞直最賤俗用小錢鑄金錢

仲家淺謁仲廟

惟賢獨好勇行行聖人門未竟為邦志空酬授命言冤
旒輝俎豆甲第富兒孫若便乘桴去何由表仲村

南池

重到南池上蹉跎惜壯顏遠山城半面流水屋三間橋
斷蒲仍亂碑殘蘚自斑苦吟杜陵老古意杳難攀

登太白樓

虛檐城上起風物滿郊垆勝地宜狂客佳名付酒星濟
河連野碧鳧繹入樓青我亦高陽侶憑軒媿獨醒

聊城

燕將投戈地 功成魯仲連 數行揮紙上 一矢射城邊 涕淚銷兵氣 文章奪將權 時平頰樓角 孤雁唳秋天

天津

津門初棧擢 寒意滿河潯 流水分南北 連檣自古今 地空孤月早 天遠暮雲深 却怪皇居近 煙波一夜心

十月初四日到

都知汪編脩 安公已作故人哭

而賦此二首

拂面塵方撲 霑巾淚已零 近親憐舊雨 孤客悵晨星 寡婦空成賦 嬌兒絕授經 撫棺哀道韞 風雪亂中庭 早達人皆羨 先亡我獨悲 殿殘景德韻 囊剩嶺南詩

安公壬午
圭試粵東

慧業因緣在 微名折挫宜 三年分袂處 無路盡交

期

題宋觀察穉佳擘荔圖三絕句

銀印相鮮映 陸離使君日 日鬪新奇堆 盃三百甜如蜜

誰是君家第一枝

荔枝譜有名宋公荔枝
實以陳紫小甘羨如之

薄襯紅綃透 水晶玉肌初 破滑無殼侍 兒爭奪還相笑 尤物原來盡側生

海山縹渺說相思 猶記西禪襖被時 顛顛塵容愁見畫 人生何事亦離枝

十月十二日承

詔選錄宋金元明四朝詩次日起居注館宣

旨恭紀二首

四部紛綸羣玉堆編摩

首命並蘭臺

奉旨以嗣立領四朝詩館之首似憐

詩是吾家事特地

思從

天上來偽體別裁回格力

殘篇採掇拂塵埃英華文苑猶能續滴露研朱意未灰

詞章結習是前因碌碌甘隨十九人

同館被命者共二十人故云

卷列四

朝詩作史地分三館德為鄰

是日歷代詩餘廣羣芳譜二館亦同宣旨

西清東觀爐

煙近黃帕牙籤硯影新回憶閭丘著書處冷螢幽蠹落

松筠

怡園

謝公門第好林泉淨掃紅塵闢洞天翠黛燕姬試舞罷

江蘿楚客詠詩前井分滴水常疑雨庭得高楸不記年

擬趁淳于槐夢綠清風一枕曲肱眠

冬夜寓齋小飲同家兄迂客作

涪湛書局伴殘年羣從因依八九椽酒市價高天欲雪

魚羹味美澤初堅風簾暗隨冬缸燄火炭微消土埵烟

交錯觥籌量大小疎狂還似草堂前

送陳曾起之任荔浦

嶺雲凍裹馬蹄淹到日衙清常下簾客自不來非為逐

金無可却是真蘆江拖衣帶三條濶山矗鋒鋌萬點尖

唱出新詞多別恨思鄉望國一時兼

曾起有桐園詞

十二月二十七日蒙

恩召至

保和殿前

賜文雉嘉魚恭紀一首

拜手 堯堦受 賜腥八珍未識膳夫經錦裁疊翮從
風碎銀刷潛鱗帶凍青敢翼飛鳴呈瑞彩尚期喁唵躍
滄溟高深此日 恩汪濊匕箸初嘗齒頰馨

二十九日復

召至

隆宗門

賜狐裘一襲恭紀一首

分班韋素侍 彤墀齊換宮衣 寵錫竒稱體不須量
玉尺辟寒直欲轉璿璣蒙茸毛毳添風細蕩漾袍花照
日移頽影每慙無補報此身常是感 恩時

丙戌元旦

恩命同

武英

南薰兩殿及三館纂修人員進

乾清宮行朝賀禮恭紀二章

鳴鞘撤響下 金鑿 詔入 隆宗肅整冠五隊新衣

宮樣好雙竿初日露光寒舉頭方怯珠簾瑩拜手還欣
玉砌寬自頽小臣同蟣蝨也來 天上片時看

千門萬戶不知名金碧璘彬正繞縈此日回翔難寫狀
幾番愴悵未分明心清暝閣傳 天語影靜重門送樂

穀慙媿菰蘆瞻 盛典對人疑信說蓬瀛

送范穀佩之官輝縣

攬轡澄清在此時 離腸瑁璫別遲遲 日辰未得同元度
宿直空憐似退之 榜前為余推筭 子平極驗 淇竹萬竿迎畫轂 嵩雲

千疊映朱旗 他年奏最朝金闕 不待君平早自知

萬壽無疆詞有序

欽惟

皇帝陛下

仁壽如天

含弘應地

御極以來海宇昇平 四方寧謐 命官立政獨斷

宸衷稽古 右文羣瞻

睿藻遐邇 臣民以及含生之屬 無不涵濡

聖化歌詠

皇風臣嗣立 草茅下賤向蒙

名對

御舟恭承

天語近荷

殊恩

親加考試引見

行宮兩錫

宸翰

命入

內廷備貢四朝詩館

賜食

賜衣

恩寵稠疊揣今逾涯銘心鏤骨茲者欣逢

聖節謹賦

萬壽無疆詞八章以當三多九如之頌至若

聖德神功超越千古管見蠡測未足揄揚萬一也其

詞曰

萬井籠佳氣千門裊瑞煙

皇恩深似海

聖壽上齊

天樂歲供堯酒薰風鼓舜絃韶光三月好長慶太平年

西苑祥雲合臣民樂且康御河新水綠宮柳嫩絲黃仗

引千官珮爐飄百和香南山高映處遙捧萬年觴

瑞檢呈圖麗榮光獻象竒平成萬世業飢溺一人思

既濬勞宸斷經營賴帝咨東南爭獻壽日望翠

華期

博施恩無倦如傷念不殊去年曾賜復今歲又蠲

租暖氣回山谷春膏潤海隅司農萬萬計汪濊遍寰區

國學宮墻煥宸章日月垂造舟思舊制合射習初儀

松樹蒼髯古梨花白雪吹爨倫絃誦地鸞鳳影紛披

帝念菁莪化持衡務至明命官多禁苑較藝在

乾清定獲英才報還叨教育情奎星拱南極紅霧慶霄

明

脩書分五館盛事古來稀既飽 天廚味還頌 內府

衣連翩璫戶入拜舞 玉階歸何幸同青草三春近日

輝

兩承 天語渥雙得 御書竒命拙三場伎榮分四代

詩搜羅慙薄劣校訂荷恩私天保歌毅徹年年拜 王

墀

過日容橫街寓齋次遲年山詩韻

塵捲橫街風正炎殘春客舍獨垂簾解將愁結憑三醜
撥起詩腸托半縑向日野花斑滿徑倚天老樹聳孤檐
閒來便到君家醉藹藹空雲態度添

春遊曲

花滿溪鶯亂啼驅油壁向苑西芳草垂楊一樣新如何
却憶江南春挽春春不住推愁愁不去落絮顛狂撲面
飛綠陰遮斷來時路

西苑口占二首

晴郊風暖似吹煙纔遠宮塵又一天蜂蝶各分春色太
獨尋詩思綠楊邊

到此徜徉心跡清上林雲破一峯橫香風斜拂高枝過
帶出新鶯自在聲

聞魏孝廉禹平同年凶問哭賦二絕

河間姹女醉當壚北轍南轅歲月徂此日著明凶問至

思君只對水村圖

倚晴閣集百千言垂老詩篇海外喧誰向杏花無月夜
特追及第到孤魂

為人題行看子

梧高滴露遲蕉卷弄風小明月照獨吟不知秋色老

張孝廉日容橫街寓齋同吳舍人子淳劉進士太

乙李孝廉牟山小飲次日容韻

轉輾輕車響深巷隔戶吟聲助排宕拓落天涯三四人
休歎虞翻屯骨相胸吞雲夢氣輪囷髀髀偏能發高唱
生平罵人不直錢得失紛紛何足悵間閑鳥語樹扶踈
高春影正風和暢沽來雪酒味清冽松風謾謾茶鐺傍

名士中州數李劉博物舍人誰並行分明聖我孝廉船
一笑紅裙忘悲愴去年憶伴長蘆翁朱櫻顆顆筠籠餉
低枝垂綠護筍輿流水接藍沒雀舫此日橫街野馬飛
白雲千里空相望春愁斷送瓦盆中鄉心觸撥繩牀上
粉撲薔薇行徑香池荷乍起田田浪竹放新梢過板橋
草堂猿鶴應無恙

再疊前韻荅襄城劉進士太乙

曙鼓鼕鼕吹陌巷吟哦石鼎多迭宕詞源倒傾三峽泉
豪健一洗寒陋相劉侯豈以多窮我敢云高踞還大唱
憶自丙子誦君文七年以來常悵悵客舍一見肝膽清

癸未春始識
太乙于京師

陡覺敷腴形體暢上窮古昔論成敗下溯文字

推偏傍辭賦爭誇班馬流箋注幸許郭鄭行落魄孤踪
逐亂雲千里相思神欲愴季緒平生善倚撫佐以長篇
書客餉前歲以長篇托書賈寄示并商權韓注數條恨無白鶴跨嵩山一棹秋風弄
輕舫何圖今日得合并張籍李翱衡宇望謂日容年山君已乘
風三島間我方中酒一榻上回軍角逐向老龐莫怪狂
言殊湯浪險語新詩又幾篇傳觀愈我頭風恙

三疊前韻答泰州繆孝廉湘芷

風雨蕭騷泥沒巷繆子走筆正流宕新詩風骨何峻嶒
寒瘦不作郊島相廣陵今日誰能詩髯宮友老郭訂更
迭唱往年過我閭丘坊一飲百杯失怡悵醒來衣袖半
淋漓參差一曲交歡暢有時乘興放扁舟身立七十二

峯傍僧房塗抹嗅梅花要與青丘爭輩行舊遊緬邈若
山河手此長歌倍淒愴瘦馬駝愁何所之阮途誰復猪
肝餉曹騰詩館伍鈔胥水積庭除疑在舫願終編纂歲

名山

余所選元詩未刻者尚存十之三

景鐘竹帛非所望君如寶劍初淬芒會

看衝霄光直上蝸角輸贏不足云且來客舍相譁浪還
如携手崦東西中酒花前兩抱恙

四疊前韻答大名成上舍周卜

秋燈白雁叫深巷海棠一曲心目宕公子翩翩弱不勝
令我回思太平相姊妹橋邊瘦馬吟琵琶亭上銷魂唱
湘西遊倦復東吳風流雲散添惆悵昨示空山獨往圖
紙上識君情未暢紅泉百道瀉懸崖奔濤濺沫長松傍

拄杖彭觥撥野雲浮丘洪崖伯仲行
芟焚荷裂媿塵容
蘸墨欲題轉惻愴名園攜手慰相思
談笑云云樂一餉
恨無四座映紅裙繡被空堆鄂君舫
歸來健筆寄華牋
古寺燈殘月猶望笑余磊落注蟲魚
長篇風格元和上
皇甫作序戲之耳律體未工何孟浪
竹垞先生暮觴集序云周以不善七律自慙
激
越商榖三遍吟七發陡起救生恙

五疊前韻荅大名龔上舍孝水

善易久聞龔孝水如隔天台與雁宕
曾聞令弟一開顏
倣儻翻思阿兄相褐夫吾友亦素心
同向尊前輒提唱
湖海論文縞紵空挂萬漏一偏足
悵君通七十六家言
辭變象占無弗暢牀頭一卷閱復看
發揮擬議絕依傍
源流直溯杜田生不作施孟京
高行邇來縮地寄招提
飯鐘粥鼓勞神愴念我羈踪詩館邊
琳瑯七字先投餉
卷軸空堆野史亭山林常繫醉翁舫
夜月橫街照獨吟
廿四回紘十二望悔吝憂虞過半生
前程決地著龜上
勿愁漏泄玄都秘六丁雷電翻銀浪
青丘元老是君師
袖中緗帙曾無恙

閻丘詩集卷二十一

閻丘詩集卷二十二

賦得首夏猶清和

綠嫩枝枝滿紅芳樹樹空時今涼燠半人在雨晴中小
扇颺初透單衫氣欲融橋平紅湫澗野潤碧蔥蘢蠶食
千筐雨蛙喧一迳風邨村飛燕子隊隊浴鳧翁時雨占
春熟農歌驗歲豐相看知帝力何處頌天公寒谷方
回暖窮簷亦發矇南薰滋長養造物不言功

賦得四月清和雨乍晴

凝雲釀就養花天春事闌珊柳褪綿曲檻燈移芍藥下
小樓人醉木香前綠陰細雨鷺啼滑芳草斜陽牛卧偏
荷插扶犁農務急村村社鼓祝豐年

喜雨十韻

愛此崇朝雨霏霏灑近畿
憫農紆 睿慮虔禱合天機
乍涌雲容疾旋吹風力微
輕絲飄浙瀝亂點落珠璣
著樹濃花重沾泥薰草肥
聲喧九門漏影靜萬家扉
麥隴披簑舞秧田荷鍾歸
傍城煙幕幕隔苑柳依依
喜氣歌仁澤歡毅仰 帝輝
千官賀 闕下濕透早朝衣

集李氏園次日容韻

十載重來意不禁小園濃綠
上衣襟晚晴簾捲聞花氣
半醉闌斜愛樹陰粉壁剝殘
前日白風櫺吹動故山心
紅塵得个消閒地逸暑無嫌
百遍尋

四月十七日宴章氏園以白太傅日晚愛行深竹

裏月明多上小橋頭分韻得愛字

同集為候官林吉人唯州李年山襄城劉太乙大名

成周卜大興蔣靜山錢唐吳寶厓桐城劉北固盱眙李蒼存泰州繆湘芷江都郭于宮武進莊書田同郡張日容家兄迂客主人錢唐家搢玉也

城東三里河亭臺誰家在四海多弟昆
林木性所愛回塘幽草藉行迳
卷石礙推牕延清飈樹色潑濃黛
鳴琴如袞絃醉耳助慷慨心空忘夏長
悠然閱變態裁詩報惠連
勝事那得再故鄉何日歸罷飲發深慨

瓶中芍藥四絕

霜刀剪落露穰穰幾朵差參舞態狂
為戀張家十二客等閒拗却御衣黃

御衣黃芍藥名張景修十二客圖以芍藥為近客

日射紅樓疑突兀風翻綠髻欲蓬鬆
夜深一覺華堂夢試枝仙宮隔幾重

劉孔佳名三十種翠莖綠藥幾人知好施錦障重重護
折取揚州十萬枝

三杯婪尾慰相思買得豐臺欲贈誰不管春來情緒惡
對人含淚訴將離

二十日同吳中允頽山暨同館諸君小飲怡園張
孝廉日容有作次韻奉簡中允

綠映庭槐雨後深日長無事對園林詩刪偽體存高唱

時方輯
宋詩酒出新題愛淺斟狼藉未歸花底霧間關不斷竹

西禽莫嫌半醉猶狂態青眼憑誰話此心

送章子政之任龍門

西望龍門路不賒此番霜操為君加射熊纔罷三條燭

子政方報
罷禮闈走馬來看一縣花地近雄關圍綠野天連絕塞累

黃沙姓名久已通仙籍只尺銀河便是家

送金以時宋嘉禹之濟南二首

齊東羨遨遊周南嘆留滯二子如白鷺翩翩弄輕毳雅
尚各不同途窮我一例吟成望離車落花滿衣袂

炎風吹黃塵愁思日夜積青山影漫漫匹馬何所適相
勸一杯酒明朝事行役回首京華人白雲鎖空碧

題成周卜空山獨往圖

絕壁倚天翠長松挾風怒山徑無人行芒屨濕草露幽
鳥啼林梢驚窟窟仄步引杖尋泉聲野雲斷前渡

觀西樓傳奇次日容韻二首

何人吹起洞簫聲老守歸來曲子名聽罷楚江天欲莫
歡腸不抵別離情

翠鈿拾得在荒園月動花梢宿夜魂今日樽前看白羨
眉尖一半舊啼痕

白羨木姬本名也
故址在秀埜園傍

題梅竹圖

竹映斜斜影梅侵細細香最宜風雪裏窮莫對清狂

怡園小集詠北宋詩人分得慶湖遺老賀方回

吾欲長嘯呼天公胡為盡坐吟詩窮慶湖遺老不得志
一官拓落元祐中平生負氣好任俠朱家郭解追遺踪
鬪雞走狗脫馬轡金彈奕奕鸞長弓十千沽酒飲市上
長鯨一吸銷千鍾有時興酣親度曲路人落淚天濛濛
歸來俛首北牕下蟲魚花鳥銅鑄工詩篇麗密復豪宕驅
使溫李如奴傭牛毛小楷硬黃紙東山樂府鳴寒蛩當
時江淮多奇士米顛差得櫻其鋒縱橫抵掌掉談舌壁
壘對峙誰雌雄奈何浮沉寶泉監蹄涔蟠屈愁蛟龍胸
中智囊未一用俾作州倅甘長終空餘詩卷在天地陸
離光怪生悲風我來編纂坐深樾天末正叫南飛鴻片
雲落日酒尊盡此時哀怨將無同輪囷抑塞誰共語走
筆彷彿精靈通安得江南梅子句短箋寄賞黃涪翁

匠門席上贈歌者四絕

豆棚一缺莫天青
雙眼低迷喚不醒
寢是催人腸斷盡
酒闌高唱牡丹亭

小鼓花底是前身
肉竹宮商細更勻
時匠門方倚歌想見徐郎風韻好
尊前新譜秣陵春

淡妝初掃倍嫣然
相國園林八月天
遑事十年還記得
舊人只剩李龜年

樂府新詞笛裏吹
殺聲哀怨說相思
旗亭明日傳將去
猶似開元天寶時

汪徵士陞文攜尊怡園同吳中允顏山戲作數詩
一片輕雲隨遠霄
二分殘照挂山椒
愁腸有酒銷三伏
老眼無花論四朝
暑氣旋添五架屋
涼風常想六條橋
七言調古多哀怨
八字門閑對寂寥
何日仙爐丹九轉
江南歸聽十年簫

喜陳江寧滄洲奉命至四朝詩館兼讀近詩賦
贈二首

最奇清白二千石
來主風騷七百年
不道雲山湯火後
還如黃菜小橋邊
前歲同集日容小軒賦黃菜詩騎騾已失妣
崇鐙沽酒猶存劉寵錢
點勘陳編談往事
科頭同作散神仙
相邀泥滓弱雲橫
唱和清新欲喚晴
西掖能詩例刺史
空階留雨滴先生
嘯歌誰是園林主
閔散兼無吏隱名
但得高賢常接席
水鄉不負白鷗盟

再贈滄洲太守次日容孝廉韻二首

紫馬南來屏吏胥
四朝編纂拜恩初
丹山乍聽鳴么鳳
碧海還看掣巨魚
筆陣快傾三峽水
談鋒雄勝十年

書使君報國文章在肯學漁樵向孟諸

石城雙槩奏新篇夾路爭看喜欲顛不信清名能賈禍
始知公道可回天小詩摘入從稗史薄酒沽來中聖賢
簾外綠槐濃似畫涼風一榻亦翛然

送洪崑霞之任文城

羨君詩筆續軒渠朔望初飛兩隻鳧向吏不因彭澤米
到官先繪浚儀圖勃姑鷓舅天晴雨白草黃沙山有無
此去晉陽頻駐馬綠陰如水月平鋪

洪節母方氏詩

弦斷鸞膠泣爨桐小牕燈影背東風堅心欲化望郎石
哀怨空憐織女蟲屋送書般眉顰展機添錦色淚長紅
蘭枯始見孫枝秀試較陶韋若个同

滄洲太守席上賦盤中冰即限冰字

練色涵空寶鑑澄玉盤捧出正騰騰御河凍結玻璃滑
凌室春深琥珀凝幾度鑿來堅愈甚憑他消去氣如蒸
青蠅只會趨炎熱敢近尊前一片冰

壽胡少宗伯南荅六十詩二首

六十勲名疊寵嘉秩宗才望趁清華明經著述齊三傳
拔俗文章重八家仙曲教邀寶戶月宮牋字剪赤城霞
平隄處處栽桃李好護濃陰待築沙

銀燭留連款語温廿年舊事夜深論花村句引東山屐
醉客淋漓北海尊韋陟鑒裁歸物望魏公羽翼見王言

石榴豔豔紅於火掩映長筵蕊正繁

寄題尹二又黃歲寒居二首

羈人如落葉隨風任飄泊移根雖向陽淺土何所托維
我同心友松栢卧絕壑冰雪為洗顏槎枒舞寥廓齋居
有深意揮毫得佳客

歲寒居字為
趙秋谷書

疑坐林莽間霜消雲氣白

結文同結鄰相知貴知心安有叩須日而曰力不任薄
俗輕肝膽傾蓋比芥針雨雲一杯酒離合千黃金衆芳
自開謝孤幹無古今笑彼階下草凝綠空沉沉

宋太宰西陂招同人寓齋小集晚過龍泉寺南風

氏園看古松限韻同賦

丘壑道已忘風雅事如土京華誇燕會一日或四五賓

主率應酬羶葷何足取尚書文章伯風教東南溥崇班
移日下選將整旗鼓良辰文字飲新舊客參伍湘簾花
豔豔庭磚影過午瓶荷折江臯盆蘭種澧浦果珍八達
杏餐製尚方腐傳看鴨綠硯秀骨鏟玉斧魚子塗硬黃
大字隸如馬輕筴點雪山草木盡潑鹵明鏡頗黎瑩水
紋碧千縷四者見未曾賜予出天府醉眼照陸離斜陽
到堂廡趁涼過城南遊興聊一賈車輕馬力驕襍選各
飛舞招提臨路隅蕭散結村塢憑軒懷故相登壇禮佛
祖遙望風氏園積翠浮天宇籬落無人行矮屋牽蘿補
入門寒颼颼青天落疎雨平地起伏龍徑廣相撐拄圓
頂攤高蓋曲枝彎強弩霜皮裂寸理空心積餘怒勢欲

凌蒼穹老猶卧荒圃宛如隆中人抱膝吟梁甫簿書堆
山丘行動束規矩苟非心跡清誰來披榛莽公言昔漁
洋休沐於馬撫風流寫新篇韻事傳牧豎移席坐隣槐
行厨擘膾脯摩挲想陳迹壯年樂堪數小子辱齒牙推
獎到愚魯十年長史祠賡唱滿檐柱窮途滯帝鄉乃復
接談麈依然籍湜輩清嘯韓門聚塵懷頓消釋座映須
眉古授簡步芳躅胸臆試一吐願公續長篇滄浪傲漁
父

送賈太守素菴之任蘇州

重地賴良牧奇材軼常典天子念蘇州太守必親選
賈公經濟才學術推博辨劍鋒開青天監錯無不剗烹
鮮聊一試南荒瘴雲卷惠澤格獠蠻歡聲動雞犬書名
上御屏廟堂識瑚璉近詔念四省銓法例先遣公名
實在行引見別瑀輦特命移中吳盈廷僉曰善東南
財賦區帝心每繾綣簡在非一朝才幹如公尠行見
福星臨農事興鑄錢弦歌習禮樂風雷起駕煥浮華返
之淳家家供洗腆賤子滯書局卷跼縮蠶蠶僑居托以
鄰登堂喜婉孌攬轡務澄清立志正不淺為政母多談
惟弗棄諤謇因勢而利導大道本平行蒟蒻進一言折
柳當祖餞秋深挂扁舟歸尋舊蒼蘚相期坐棠陰高歌
誦勿翦

上京江相國四章

清時人望屬經邦鼎鼐調和獨力扛草制文章推第一
立朝風度彌無雙德容和霽臨春日雅量汪洋對大江
聽漏朝天待旦出早鴉銜日映虹窓

馳影疑山馬欲飛年年護蹕雨霏霏受圖洛水迎祥太
却敵天山奏凱歸門對金焦青雨點地通吳楚碧千圍
黃山纔到徵書急眷顧如公自古稀

傳餐給札列嚴徐 御覽新編校石渠南內鳳諧孫愐
韻北堂獺祭立南書雨侵檠燭涼生後風動庭槐月上
初午夜尚煩補袞手奪將雲錦燦 宸居

凡胎只合隨塵寰指點馮公到 帝關清淺止迷一帶
水蓬瀛還隔萬重山濫叨仙籍真隆遇寵命詩篇實厚
顏長服青精容色好敢分瑤草向人間

集李氏園分詠庭中花木得真珠梅

斧劈冰山隨崔嵬炎天忽坐香雪海蝴蝶羅浮駝夢來
墻角一枝春色改浮花浪蕊高下翻雀啅蓓蕾同山礬
皴染緇塵京洛色彷彿夜月西湖魂柳葉桃根顏正好
依倚春風嫁時早霏霏霧雨舊園林幽芳狼籍隨百草
結根宜向野人家隨侯錯落何用詩甘與安榴紅映白
來時較晚相咨嗟酒闌索笑評風格不須踏雪行春陌
捲簾野鳥撲人飛平蕪落照連天白

雨後望西山即以西山二字為韻

一峰初染髭牆低細雨朝添翠欲迷野鹿銜花絕壁挂

亂鴛爭樹隔溪啼常思倦脚租羸馬好索枯腸券小奚
竟日茆檐誰領略綠雲紅霧鎖天西

涼颼故意作蕙纖洗拭林巒妝髻髮佳處貌入將圖半
幅就中分我屋三間閒愁判殺付絲絲雨鄉思猶堆疊
疊山不比終南蹊徑便落花流水笑塵顏

答吳大寶崖次元韻

二寸小冠杜子夏馨歎牢騷托栝筭長安徧作白眼看
袖中刺滅誰相迂西子湖頭追舊遊一方壁壘江東霸
春明每放鴨嘴船稗柳小桃添酒價朝上南山暮北山
醉過花開與花謝短衣筇杖踏馬踪遞宿僧寮如傳舍
剪燭論交丹井房餘子何堪劉四罵壬午春余與寶崖寓家播
玉丹井山房馮文子汪武曹

諸君適至
盤桓甚樂

昨奉徵書別里門局促同來困轅下黃鵠羞同

野鴛爭青蟲看作蝴蝶化石榴只解妬紅裙孤根肯逐

春風嫁赤日橫街午夢醒一樹綠槐疑味蔗秀楚園有
味蔗軒邨

得南歸課獠奴五畝從學樊遲稼傍晚雨過三尺泥蹇
驢且向東家借隔墻鵝鴈極謹呼銀鹿催詩走不暇何
人掣得碧海鯨屈宋在前好方駕

贈李大蒼存

憶昔識子三家店寒風吹沙黃撲面十年耳熱隔參商
解后茅檐欣一見頻年兩番殺過滄浪晝憩宵盤更繾
綈殺後伶選妓秀野園中吳名士成高宴移席花陰招酒
兵樽壘錯落聊一戰當局輸贏問沈蟾歌者
善飲拇陣如飛白

波卷余方神王竟忘罷子不善飲母乃倦別來重會廣
寧門落落晨星兩三見鉄椎空作一擊張璪玉尚同三
獻卞麴部頭銜壁壘新今題銷夏緡黃絹趁涼北戶見
西山中伏不勞揮羽扇雕鏤草木翼爾雅唵噉處處園
林徧吾生中年哀樂多莫隨境遇常留戀丈夫事業寄
千秋捷徑眼前何足羨芭蕉展綠鳳仙紅黃雞滿市白
魚賤良會須教醉十分請看光陰同掣電

陳健夫招飲西峯草堂賦得竹憐新雨後限長律

十韻

翠色遽如許宵來雨可知盧生分俸日杜老獨眠時遠
戶參差影穿堦三四枝葉翻珠顆顆梢重雪絲絲畫記
湘妃廟歌憐元相詞貞心徒自保瘦節莫相疑送浪偏
侵酒吹香好入詩檀鬪僧話久瑣碎客吟遲實小難棲
鳳鼓卑未囀鷗半牀波浪濕惟與懶相宜

七夕後一日劉北固李蒼存招飲怡園即事限五

律二首

昨夜銀河渡朝雲薄未勻名園携酒伴秋意屬詩人汲
井聽泉咽移花點砌新平泉歌舞地風起落梁塵
漫說詩成壘聊憑糟作丘京華多感慨天地半窮愁月
似初磨鏡齋同不繫舟新秋宴會好擬博醉鄉侯

題王脩撰海文秋林讀易圖二首

柳汁著衣初染綠花香調露更研朱半牕秋影莓苔淨

攜得清溪一鶴無
久識王湛山魏流日將一卷置牀頭松風未斷書聲續
要與鳴蜩各占秋

湘芷攜尊日容橫街寓齋酒後戲書二絕次蒼存
韻

清歌喚起醉天公更比蘓門嘯不同一闋新詞傳玉茗
愁雲常自黯江東
誰能解得郢中歌只博閒愁酒後多月滿樹梢人半醒
簫聲不散奈愁何

題禹鴻臚慎齋卜居圖二首

尋常屢貌半屠沽自顧三紋寫幅圖收拾一房間水竹
此中消受禹鴻臚
村空雞犬亦能諳編竹撈蝦密似蠶應笑淮王多拔宅
仙家未必勝江南

題崔鶯鶯圖

決絕三章淚滿腮殘絲斷竹倍堪哀西廂仍是當時月
不照遊春元九來

題移尊詠

風味吳中等蕨薇尚方食品摘來稀鱸魚爭美因張翰
鹽豉相宜始陸機紫幹銀絲雨後滑黃花翠帶盎中肥
鱸包此日移西苑誰向秋風勸客歸

題白衣先生吳浩然逸事

心史徒將記筆端此身常著白衣冠西山薇老腸堪飽
東海波平淚未乾浩氣直教疫鬼辟真儒未博婦人歡

崇禎末嘗欲以真儒
名用為田妃所沮遂不果

沙邨徐孺名相埒清節吳中二老難

題王明府孝先小照二絕

最好斜枝竹外孤花間清嘯白糝糊請評萬樹西溪月
抵得吾家雪海無

風雨年年兩崦間詩成芥壁媿塵顏新圖容我同舟太
細說湖中一帶山

次友人幽蘭雙產並頭原韻

幽谷無人竟體芳階除挺秀吐嘉祥瓣承清露金莖濕
紫轉光風玉蕊香並蒂忽看雙朶合同心喜得兩枝長
疎簾珍簟宜歡賞莫為秋深枉自傷

題李翁慎獨圖

有翁心貌古挿架書連屋解帶坐匡牀涼風動脩竹平
生慕豪俠雅志薄寸祿虛室生妙香養心惟寡欲相對
一叢蘭脩然在空谷持此高潔姿用以慰幽獨

題惜鬚圖二首

逸倫自愛羨髯名如戟森森落更生拂拭曉看明鏡裏
秋風滿鬢雪千莖

嬌兒問事影縱橫撚斷方能句子成拚當錦囊盛得太
春來百草鬪輸贏

題袁叟談禪圖

秋深花木似禪房
粟顆針鋒談柄長
蒼蘚一方鶴啄破
松枝滿把對支郎

錢唐王節婦詩

柏舟矢志凜操持
門第烏衣頌女師
永絕狂瀾生井水
羞將弱蔓上松枝
蘋蘩采澗供先齋
書卷燒燈課夜帷
卅載堅貞始寵錫
馮誰寄語九原知

題賈舍人雪中出獵圖二首

駿馬跑空脫轡行
臂鷹眼疾得霜清
千蹄蹴碎寒山雪
相應溪南折竹聲
不向常山小獵太
便從泗上擊球回
何如灞岸尋詩思
畫我騎驢蹋凍來

壽濟周上人四十

身倚蓬萊靜結伽
芒屨四十早離家
苾芻蔓引僧溪草
蒼蘄香濃佛國花
中禁分齋調淨鉢
上方賜服翦袈裟
碧雲競和湯休句
蔬筍堆盤摘露牙

送周卜歸大名二首

舊家舉心似君稀
花木禪房靜掩扉
風送獨孤常側帽
病侵沈約不勝衣
中年心緒愁言別
客裏光陰怕送歸
况是酒闌凝望處
秋雲如絮馬頭飛
罨畫西山對翠屏
此中消夏幾曾醒
翻翻昔類先秋葉
落落今同欲曙星
歸路煙嵐千草碧
懷人風雨一燈青
他時若愛吳鄉好
買个扁舟訪洞庭

題莊孝廉書田丙戌感懷詩卷後二絕

棘闈深鎖信沈沈
混沌初開白晝陰
五字嗤他魏禮部
如何今日負前心

二十餘年揖五窮
杏園三度雨兼風
道人自有鄰翁樹
不羨溫岐馬首紅

閻丘詩集卷二十二

